



SAMBAND ÍSLENSKRA SVEITARFÉLAGA

Alþingi - stjórnskipunar- og eftirlitsnefnd
Kirkjustræti
101 Reykjavík

Reykjavík 28. febrúar 2017

1702045SA KB/km
Málalykill: 01.61

Efni: Málefni Þjóðskrár Íslands

Á fundi stjórnar Sambands íslenskra sveitarfélaga sem haldinn var 24. febrúar 2017 skýrði Eiríkur Björn Björgvinsson, fulltrúi sambandsins í stjórn Þjóðskrár Íslands, frá þeim hugmyndum ríkisstjórnarinnar að fáera málefni Þjóðskrár til dómsmálaráðuneytisins, þegar innanríkisráðuneytinu verður skipt upp í tvö ráðuneyti - dómsmálaráðuneyti og samgöngu- og sveitarstjórnarráðuneyti. Hann lýsti efasemdum sínum um þessar hugmyndir og taldi heppilegra að Þjóðskrá verði áfram tengd málefnum sveitarstjórnarstigsins í stjórnarráðinu.

Eftirfarandi bókun samþykkt samhljóða:

„Stjórn sambandsins telur mikilvægt að Þjóðskrá heyri áfram undir ráðuneyti sveitarstjórnarmála og hverfa eigi frá hugmyndum um að flytja stofnunina undir hið nýja dómsmálaráðuneyti. Stjórnin bendir sérstaklega á að sveitarfélögin greiða umtalsverðan hluta af kostnaði við rekstur Þjóðskrár, vegna fasteignaskrár. Einnig skiptir miklu að gott samstarf og samráð sé milli Þjóðskrár og sveitarfélaga um almannaskráningu. Ekkert er því til fyrirstöðu að stofnunin annist áfram tiltekin verkefni fyrir önnur ráðuneyti á grundvelli þjónustusamnings, þótt hún heyri ekki beint undir það ráðuneyti, svo sem útgáfu vegabréfa og málefni upplýsinga-samfélagsins.“

Framangreint tilkynnist hér með.

Virðingarfyllst
SAMBAND ÍSLENSKRA SVEITARFÉLAGA


Karl Björnsson
framkvæmdastjóri

Samrit: Dómsmálaráðherra
Samgöngu- og sveitarstjórnarráðherra